



Immikkoortup 57 siullermeerneqarnera:

1. klassimiik meeqqat atuarfiisa tamarmik pinngitsooratik tuluit oqaasiinik takornartat oqaasiisut atuartitsisalnissaat qularnaarumallugu Meeqqat Atuarfiat pillugu Inatsisartut inatsisaannut nr. 15, 3. December 2012-imeersumut allannguutissamik saqqummiusseqqullugit Naalakkersuisut peqquneqarnissaannik Inatsisartut aalajangiiffigisassaattut siunnersuut. Suliniutip tamatuma kinguneranik kalaallit danskillu oqaasiinik atuartitsineq ajornerulersinneqassanngilaq. Allannguut atuutilersinneqassaaq ukiup atuarfiusup 2018-mi aallartinneraniit.

(Inatsisartunut ilaasortaq Nivi Olsen, Demokraatit)

Siullermik siunnersuuteqartoq Nivi Olsen siunnersuutaanut qutsavigiumavarput, imatullu partii naleqqamiit siunnersuutaa soqutiginaateqarluartoq oqaaseqarfialugu.

Kingullermi inatsisartuni qinersinngitsiartut partii naleqqamiit erseqqissumik oqariartuutigaarput qanoq nunatsinni oqaasersiat tungaatigut aalajangersaassanersugut, qujanartumillu massakut isumaq tamanna partiinik tamanik katersuuffiulernikummat nuannaarutigaaarput. sinaakkusersuinissaq piffissanngorpoq ilitsoqqussaralugu oqaatsitta illersugassattalu saniatigut nunarsuarmioqatitsinnut attaveqarnitsinni tullerriaarineq inissittariaqalerparput. Tamannalu tunngavigalugu massakut inatsisartuni ilaasortat arlallit siunertamut tassunga naapertuuttumik qujanartumik siunnersuuteqartarlernikuunerata una ilagiinnarpaat.

Taamaattorli soorlu eqqaareeripput ilitsoqqussaralugu oqaatsit pingaarnersaapput aammalu ilisimatuussutsikkut paasineqareernikuuvoq meeraq kinaluunniit ilitsoqqussaralugu oqaatsiminut pikkorissaq allamiut oqaasiinik ilinniarnissaminut poqernerusartoq. Taamaattumik siunnersuut tunngaviatigut taperseraluarlugu klassip siullianiunissaa eqqartuiffigerusupparput, tassami isumaqaratta uagut klassit pingajuat/sisamaanni aatsaat allamiut oqaasii ilinniarlugit aallartittariqarsorinarmata, qulaani lisimatuussutsikkut paasisat taasagut tunngavigalugit. Nalilersorneqarluinnartariaqarpoq massakutuut oqaasersiat inuiaat 5 miliuuniinnaat oqaasii tunngavigalugit immitsinnut pisarissersorluta aqquusaqqaarlugit oqaatsinik allanik immitsinnut pisarissersorluta ilinniarniarsarisarnerput, ilisimaarilluarlugu tuluit oqaasii nunarsuatsinni inuit miliartit missaani oqalussinnaagaat, tassuunalu atorfinnik pisariaqartitsinerput annertunerusumik periarfissaginneruliinnarani aammali nunanut allanut attaveqarniarnitsinni (nunat avannarliit aamma tuluit oqaasii amerlanerit oqalussinnaammatigit) immitsinnut pisarissersorunnaarluta nunarsuarmut appakaannissatsinnut ajornannginnerulersitsissangaluarpugut.

Taama oqariarluta maluginiarparput Naalakkersuisut suliamik aamma ingerlatsisut taamaattumillu aamma Inatsisartunut taamatut ilusikannilimmik saqqummilersaarpaluttut, taamaammat siunnersuutigerusupparput uumap siunnersuutip aappassaaneernissaa ukiamut kinguartinneqassasoq tassanilu iluatsillugu sukumiisumik misissorlugu ukiut pingajuanni/sisamaanni ilitsoqqussaralugu oqaatsitta nukittorsarlualaariarlugit oqaasersiat eqqunneqartalernissaa nalilersorneqassasoq.

Qujanaq Per Rosing-Petersen